

奉天
輝南廳志

674.1229
E69



輝南直隸廳志序

禮曰天不愛其道地不愛其寶人不愛其才尚矣然
不據其實而表彰之道也寶也才也蕪沒空山而夫
造不造萬物不物雖太史輶軒風馳電掣閱俗採風
何所據而攬其全乎周禮小史掌邦國志漢書著十
志天地人物草木蟲魚無不備載紀實也其即後世
作志之嚆矢歟王氏充有言知今不知古謂之聾瞽
知古不知今謂之陸沉明古今事宜並志也輝南地
在海龍之東南隅古事不可多攷在昔為肅慎國明
季建西衛我

太祖高皇帝受命於天收入版圖後置鮮圍林箐深遠人跡
罕到光緒四年開放圍荒因哈達城址設海龍廳後
名府其地南地勢遠廓人煙稀少聲教難暨荏苒充
斥居民畏阻遠徙不敢歸

997594

大憲軫念民依宣統己酉春

奏設廳治秋八月奉檄來斯甫下車徵往事父老鮮能
言者惟攷海國志明危倫四部之一有輝發其城三
一在吉林西南吉林峯一在峯西北一在輝發河濱
此即河濱近地河更名江年月不可攷瀏覽形勝瀾
江有小山可數十畝峭壁削立升其崇椒石壘依然詢
之士人僉曰輝發城故址也春秋佳日山市晴嵐物
景如畫盡人能見之而能言之迤南三十里之謝家
店橫鋪數千畝軒露開爽也左龍首右鳳頂排闥並
峙盤紆合盜也車馬輻輳為四通衢交通便利也
相其陰陽邑而居焉命名輝南存古也亦紀實也鑿
斯池築斯城與民觀治期閱月矣攬山川之靈秀財
物之豐阜人民之醇樸有蒸蒸日上之勢因就聞見
所及援周禮漢書例作輝南廳志凡天之道地之寶

人之才搜羅而備錄之以期不朽俾魏國是者得攷
鏡馬庚戌冬月設局派員調查編輯甫閱月而功成
榛莽初闢文獻無徵粗具規模不免掛漏後有攷古
君子修正之補綴之以匡不逮則更幸矣宣統二年
庚戌十二月知廳事鹿泉

蔣德履序

監修署理奉天輝南

撫民理事同知花翎知府銜
奏調山西候補直隸州知州

蔣德

履 直隸獲鹿縣人

編輯員五品銜候選訓導優廩貢生張見田

安徽桐城縣人

編輯員學務總董孝廉方正附生于龍辰

輝南廳人

校對員五品頂戴山西候補巡檢戈汝綱

順天大興縣人

校對員五品銜留奉補用縣丞王一德

安徽合肥縣人

調查員蛟河學董董毓秀

輝南廳人

調查員平安川學董張廣慶

輝南廳人

調查員輝發城學董戴德福

輝南廳人

調查員團 林子學董 李子幹 輝南廳人
謄繕員 縣丞 職銜 劉國選 直隸邢臺縣人
繪圖生 警務 畢業 陶玉堂 奉天承德縣人


目錄

沿革攷
全境圖
城圖
奏稿
天文
地理
廳界
社址
道里
山
水
衙署
職官

學堂 巡警 營制 田賦 戶口 人物 仕宦 節孝 商務 八景 廟宇 農產 鑛產 植物

藥材
動物
水產

輝南直隸廳全境總圖



盤石縣界

龍州界

蒙江州界

柳河

縣界

界

界社	池	山	警區	城廳
界區	道	河	分所	學堂
例圖				

沿革攷

致廳治在唐虞為息慎氏地、周曰肅慎、兩漢屬挹婁、南北朝屬勿吉、隋唐屬靺鞨、後歸渤海、遼女真屬、奎回、帕里、元合肅府水達達路、明屬扈倫國之輝發部落、輝發之祖本姓益克得里黑龍江岸尼馬察部人有昂古里星古力生二子、長留臣次備臣、備臣生納領、嚙耐寬、五傳至王機努、始服附近諸部於輝發河邊、扈爾奇山築城居之、因名輝發國、今輝發江南岸有輝發城、即其建國地也、王機努之孫拜音達里殺其叔七人、自為貝勒、

國初率屬來歸、後屢服屢叛、我

太祖率兵征之、克其城、誅其父子而國滅、事在明萬曆三十

五年也、後置鮮圍場、為蒐苗獮狩之所、天聰二年十

二月

八宗率諸貝勒出獵東北四百里外三窪地殪殺五虎從臣

驚服按其地即今一統河窪之西距輝發城不遠康

熙三十七年十月丁未

聖祖行圍槍殪二熊駐

蹕輝發乾隆十九年

高宗東巡八月丙寅亦駐

蹕於此光緒四年

盛京將軍岐以鮮圍多被流氓墾種

奏請丈放西距輝發城七十五里設海龍廳輝發之近

地屬焉輝發城東南地勢遼廓方數百里光緒庚子

巨賊楊玉林即十四閩王率吉林潰勇三千偽稱鎮

東營踞杉松崗樓上一帶肆行槍掠蹂躪念餘日此

十一月事也未閱月劉永和即劉單子復糾合潰勇

土匪三四千由通化縣竄入假名忠義軍縱情擄勒

民不堪命，由是居民遠徙，田園荒蕪，而為盜賊淵藪。吳海龍、竄遠鞭長莫及。宣統元年

東三省總督徐錫

奏設廳治，命名輝南，劃輝發城附近八社屬焉。置設治員，八月下車。初，假館海龍、朝陽鎮左翼署，旋於輝發城南謝家店建築廳城，鳩材庀工，修廳署，設警局。巡防捕盜各營同時并舉，葺闕月而工竣。宣統二年八月遂入焉。

宣統元年三月間

前東三省總督部堂徐前奉天巡撫部院唐

奏稿

稿內後半不屬輝南之事故未錄入

竊惟奉省州縣自庚子以後增析已多然仍有邊郡
廣袤夙為逋藪蒙荒新墾亟望民官或海島孤懸未
定地方之管轄或商埠重要猶無行政之機關以及
井地不均經界未正均應裒多益寡以垂久遠之經
臣蒞東兩年悉心規畫謹將奉省增治改治並一切
劃界事宜敬為我

皇上

縷陳之一曰海龍府析設廳治海龍東南與吉省濛江

毗接森林叢密從前本係鮮圍間有山田當光緒四
年全行放墾乃庚子變亂民居焚掠殆盡嗣廳升為
府西北設西豐西安東平等縣獨東南一帶猶多伏
莽逃戶畏阻不歸臣擬於距府一百里之大肚川設
一直隸廳以資招撫查海龍共三十六社析其東南

八社、而以富集河一統河為府廳之界、該廳全境在
輝發江之南、擬名曰輝南直隸廳、即擬遴員試辦、此
輝南廳設治之實在情形也、餘畧未錄、宣統元年西
月初一日奉到
硃批、該部知道、欽此、

宣統元年十二月十六日

東三省總督部堂錫
奉天巡撫部院程奏稿

奏為移設廳治並修建衙署各情形恭摺仰祈

聖鑒事竊奉省海龍府屬新設輝南廳治業經前督撫臣將

辦理各節並在大肚川設治情形彙案具

奏在案茲據民政使張元奇呈稱原定該廳設治大肚

川地方局勢逼仄不敷展布山路崎嶇交通不便迭

據該府暨設治委員往還履勘擬改於距府東南九

十里之謝家店設治該處為輝境適中之地四面山

環水抱其中平坦西南為赴柳河大路東北為赴磐

石衝衢正東係濛江要途西北通海龍府治四通八

達人民易於招集商旅便於往來洵屬全境最優地

點等情並由該府廳稟請撥款建署以資鎮攝等情

前來臣等再三審核所稟確係實情請即准將輝南

廳治移設謝家店，以規久遠。至請款建署一節，查奉
省奏定章程，凡建築州縣衙署，准給銀五千五百兩。
監獄給銀一千五百兩。現在輝南廳係屬新設，自應
按照辦理。統計衙署監獄兩項工程，共需銀七千兩。
當經飭由度支司查照撥發，作正開銷。並飭設治委
員趕速估修，核實動用，不得稍有浮冒，以符定額。而
循向章，除分別咨部查照外，所有輝南移設廳治，並
撥款建築衙署監獄緣由，理合恭摺具陳，伏乞
皇上聖鑒訓示。謹奏。宣統元年十二月二十三日奉到
硃批，該部知道。欽此。

宣統二年七月十五日

東三省總督部堂錫 奏稿

再查奉省前因蒙荒增闢邊境空虛經調督臣徐世昌暨臣蔡度情形先後奏請添設輝南直隸廳同知安圖醴泉等縣知縣並聲明先行派員試辦如能勝任再請補署等情仰蒙

允准在案茲查試辦輝南直隸廳同知設治委員奏調山西補用直隸州知州薛德履試辦安圖縣設治委員留奉補奉補用知縣劉建封試辦醴泉縣設治委員留奉補用知縣靖兆鳳在各該設治處所凡應行籌備事項經營締造成績昭彰委辦均滿一年自應改為署理據民政使張元奇呈請具

奏前來臣查該員薛德履明敏篤實勤奮有為該員劉建封邊務留心任事勤苦該員靖兆鳳熟悉蒙情辦

事勤慎堪以改為署理，仍由臣隨時考察，如果稱職，再行奏請補授，相應請

旨飭部立案，以重地方，而專官守，除咨部外，理合附片具陳，

伏乞

聖鑒，再，向有長白府知府撫松鎮東等縣知縣試辦設治人員，應俟查明成績，再行奏保，合併聲明，謹

奏，本月二十三日奉到

硃批，該部知道，欽此。

天文

廳境在北緯四十二度五十二分二十秒東經九度四十六分十秒夏至日出寅正一刻十分三十六秒日入戌初二刻四分二十四秒晝長六十分八分四十八秒夜長三十五刻六分十二秒冬至日出辰初二刻四分二十四秒日入申正一刻十分三十六秒晝長三十五刻六分十二秒夜長六十分八分四十八秒

地理

廳境以長白山為祖山長白之幹西趨興京起伏錯
跌名老龍崗由崗西行結那爾琿峯為少祖山山分
四支一由海保社南界四方頂子蜿蜒北走結蛟河
腰嶺至托佛別東北折至輝發江岸長一百三十餘
里為全境之東北障一由海聚社杉松崗北折過摺
棒嶺結小黃泥河東嶺至北大歲子三統河東岸長
七十餘里為全境之西北障一由海綏社榆樹岔西
北折經大肚川孤頂子小北岔結蛤蟆河東嶺龍首
山為廳城之左門戶復趨下口子至輝發江岸長一
百二十餘里一為鞞子山北行經石棚溝松樹溝東
趨結廂鳴頂子為廳城之右門戶復北折東趨逆勢
結廳城又分趨大黃泥河東嶺至馬家嶺抵輝發江
岸長九十餘里廳城居全境之中而倚西焉

廳界

東以四方頂子山為界與吉林濛江州轄境那爾琿
毗連

西以窩集河一統河為界與海龍府毗連

南以老龍崗為界與吉林濛江州毗連

北以輝發江大亮子河為界與吉林磐石縣毗連

東北以托佛別為界與磐石縣毗連

西北以頭道溝東橫虎山為界與海龍府毗連

東南以龍灣山脊為界與濛江州毗連

西南以三統河為界與柳河縣毗連

社址

第一海振社在城西北四十五里團林子境東界海興社西界海龍府南界海聚社北界吉林磐石縣
第二海興社在城北三十里輝發城境東界海保社西界海振社南界海甲社北界吉林磐石縣
第三海保社在城東北三十里即蛟河中陽堡境東界吉林磐石縣濛江州西界海興社南界海經社北界吉林磐石縣
第四海甲社為廳城近地原名大陽東界海保社西界海聚社南界海經社北界海興社
第五海經社在城南四十里孤頂子境東界吉林濛江州西界海聚社南界柳河縣北界海甲社
第六海聚社在城西四十里樓上境東界海經海甲社西界海遠社西南界柳河縣北界海興社

第七海遠社在城西四十五里南平安川境東界海
聚社西界海龍府柳河縣南界柳河縣北界海方社
第八海方社在城西四十里北平安川境東界海與
社西界海龍府南界海遠社北界海龍府

道里

全境東西一百五十里南北一百二十里在

京師瀋陽之東北廳城距

京師陸程二千一百里距省城六百里均無水程東至

濛江州城一百四十里西南至柳河縣城一百四

十里北至磐石縣城九十里西北至海龍府城八

十里

山

龍首山在城東二里許

鳳鳴頂子土名蜂蜜頂子在城西南三里許

紫嶺在城北里許

月牙山在城北三十五里海振社內上有平台

乾隆十九年

高宗東巡駐

蹕輝發相傳點將於此因名點將台山東有古壘舊

址存焉扈爾奇山在城北三十五里海興社內三面

臨輝發江上有古城即明輝發國故地康熙三十七

年

聖祖祭告山陵歸狩於此而駐

蹕馬

紅石砬子在城東北十八里海興社內

青頂子在城東南三十五里海興海保二社間
四方頂子在城東南一百里海保社內與吉林
濛江州分界

摺棒嶺在城西南二十里海甲社內

西大陽山在城西南二十里海甲社內

東大陽山在城西南十五里海甲社內

伏虎山在城南五十里海甲社內山下有二泉

冬夏不竭

鞍子山在城南三十五里海甲海綏二社間

南孤頂子在城南四十里海綏社內

北孤頂子在城南五十里海綏社內

馬尾山土名馬屁股山在城南四十里海綏社

內

大北岔山在城東五十里海保社內

腰嶺子在城東南十八里海保社內

杉松崗在城西南四十五里海聚社內出煤鐵

礦焦炭尤為特產

馬家嶺在城西北三十里海興社高家船口東

南二里許

水

蛟河源出於老崗之四方頂子山北麓四岔西北流
受海保社石頭河子水經大北岔西北折經大場園
二十里至腰嶺子經青頂子北麓曲折西北流二十
五里經中陽堡復西北流三十里至托佛別北境入
輝發江

蛤蟆河源出海經社榆樹岔之馬尾山受暖水河水
下通流水溝子會南孤頂子北孤頂子上鞞子河下
鞞子河海甲社大陽南流諸水經鳳鳴頂子山東循
龍首山北流過紅石砬子直至下口子入輝發江長
一百三十餘里

黃泥河子東西二川東川源出海甲社東大陽北麓
松樹溝與石棚溝西北流折而東北復轉西北經海
興社入輝發江西川源出西大陽北麓會海甲社摺

棒嶺諸溝之水經海聚社大歲子東北流入三統河
 窩集河源有三 一出挂牌嶺之半截溝 一出駱
 駝砬子之聖水河 一出黃歲子黑歲子下流為盪
 石河至紅土崖三水滙合至黑魚溝入境經海遠社
 西界入一統河
 三通河源有三 一出柳河縣之藍山川 一出柳
 河縣之大花鞋 一出柳河縣之馬鹿溝至小城子
 滙為一東流北折經祥子哨北流至黃泥河入境西
 北流入里至海聚社樓上東北流二十五里經海方
 社轉通東北流繞海聚社大歲子十五里至福門山
 東入輝發江自海聚社以下於水漲時可行三板船
 裝載焦炸循輝發江運往吉林
 輝發江源有二 一為西來之柳河縣 一為西南
 來之三統河至海興社高家船口滙流始名為江東

流經海振社繞輝發城北復東折受黃泥河蛤蟆河
蛟河水經海保社之托佛別南折五里復東流受吉
林盪石河細鱗河諸水經黑石鎮過樺甸縣入松花
江

衙署

廳署居治城中而北偏焉共建房屋七十一間押犯
拘留所在內羣牆二百一十五丈面臨大街左修警
務總局一所右為佐治署并模範監獄基址尚未建
築

職官

薛德履字仲和直隸獲鹿縣附貢生花翎知府銜山西候補直隸州知州於宣統元年四月經

東三省總督錫調東委用八月札派試辦輝南廳

設治事宜二年七月改為署理

王一德字桂山安徽合肥縣人五品銜留奉補用縣

丞留學日本警務畢業生於宣統二年八月札派輝

南警務長

張覓田字雲亭安徽桐城縣優廩貢生五品銜候選

訓導於宣統二年八月札派輝南警務局總務股兼

辦司法行政股事宜

設治未久巡檢等官均未設立

學堂

廳城兩等小學一處

樓街初等小學一處

平安川初等小學一處

團林子初等小學一處

輝發城初等小學一處

蛟河初等小學一處

大場園初等小學一處

托佛別初等小學一處

簡易識字學塾一處 附兩等學堂內

圖書館一處 附勸學所內

學款由款捐項下開支

巡警

總局一在廳署東設警務長一股員一書記二開辦

伊始徐圖擴充

城市崗隊一駐總局內設巡官一巡記一崗警二十六

第一區駐總局內設區官一巡記長一馬警二十

一區第一分所駐城西四十五里平安川設巡官一

巡記一馬警四步警九

一區第二分所駐城西四十里樓上設巡官一巡記

一馬警四步警十

一區第三分所駐城西南四十里孤頂子設巡官一

巡記一馬警四步警十二

一區第四分所駐城南三十里流水溝係原駐設巡

官二巡記一馬警四步警十

一區第五分所駐城西北四十里團林子設巡官一

巡記一馬警四步警十一

第二區駐城東北三十里蛟河設區官一巡記長一

馬警四步警十五

二區第一分所駐城東五十里大北岔設巡官一巡

記一馬警四步警十二

二區第二分所駐城北三十里輝發城設巡官一巡

記一馬警四步警十一

二區第三分所駐城北二十里蛤蟆河設巡官一巡

記一馬警四步警七

二區第四分所駐城東北五十里托佛別設巡官一

巡記一馬警五步警十一

二區第五分所駐城東南五十里四岔係原駐設巡

官一巡記一馬警四步警十一

警餉由敵捐項下開支

營制

左路巡防營步隊一哨哨官一哨長一以半哨駐城北門內哨官督之半哨駐城東北蛟河哨長領之捕盜營馬隊四十名額設把總一員以三十名駐城南門內哨官督之二十名駐城西南杉松崗護鑛專兵白宣之把總隨時稽查該營原係杉松崗護鑛專兵白宣統二年正月起奉文改為捕盜營仍兼護煤鑛事宜

田賦

宣統元年八月設治、由海龍移撥輝南八社原覆升
科地三十萬零七千一百五十八畝一分、除放街基
佔地二千二百六十二畝八分、淨地三十萬零四千
八百九十五畝三分、每年應徵正耗糧銀九千一百
四十六兩八錢五分九厘、又移撥清賦地六千四百
四十四畝八分七厘五毫、除放街基佔地四十九畝
淨地六千三百九十五畝八分七厘五毫、每年應徵
正耗糧銀三百五十一兩七錢七分三厘一毫二絲
五忽、本年秋季開辦新章清賦、尚未報竣、其數難以
預定、故暫付闕如、

戶口
全境八千一百九十九戶男三萬三千四百六十三丁
女一萬九千九百二十八口共五萬三千三百九十
一丁口

人物

于龍辰輝發城附生宣統元年保舉孝廉方正

三

仕宦

朱文連樓街人由軍功保候選知縣

姜毓靈樓街人例捐候選縣丞

白世德團林子人例捐候選府經歷

楊雲輝團林子人例捐候選府經歷故

節孝

白福之妻王氏現年五十一歲輝發城人二十八歲夫故事姑純孝出於至誠姑怒事之彌謹數十年如一日苦節貞心稱於鄉里

白祿之妻王氏現年五十歲白福之弟婦也三十歲夫故純孝苦節與嫂氏同一門同時出兩節孝婦標之彤管可稱雙絕

王世有之妻鄒氏現年七十歲大場園人二十七歲夫故艱難其過暨貞其守教養繼子以綿似續慈和之德人無間言

王海之妻張氏現年六十二歲蛟河人三十歲夫故苦節艱貞為鄉里所推重

尤萬財之妻張氏現年六十三歲輝發城人二十五歲夫故藜藿難充冰霜不改人人敬之

楊百齡之妻吳氏現年五十三歲輝發城人三十歲
夫故撫育遺孤教養成立柏舟之節永矢弗諼
王魁之妻周氏現年六十六歲平安川人二十八歲
夫故鐵石其心松筠其節教養繼子成立以承先祀
鄰里鄉黨咸敬重之
于興齡之妻趙氏現年五十五歲平安川人二十七
歲夫故守先業撫遺孤備極艱辛明景朗節青史流
芳洵無愧色
苗萬恒之妻劉氏現年六十二歲團林子人十九歲
夫故謹守閨範言笑不苟老而彌篤柏舟之節尤足
矜式鄉里
苗萬增之妻白氏現年六十七歲團林子人三十歲
夫故教養遺孤備嘗艱苦堅貞之操終始不渝

商務

立 廳治初設城廂新遷商鋪數十家商會尚未組織成

八景

龍潭松韻

潭在城東南九十里老龍崗之巔方六七里石
壁環列嶙峋聳翠水深無際清可鑑古詩云清
溪浩蕩不見底可為斯潭詠矣四圍松影蔽日
干霄風發濤湧縱鉞鉦如萬馬奔鳴山谷響
應方之蜀僧緣綺為我一揮別饒佳趣

輝發山市

扈爾奇山在城北三十里輝發江南岸明輝發
國建城地也方數十畝壁立數十仞三面臨江
如平地湧出老樹杈杈蔚然深秀春日天朗氣
清每現城垣樓閣縹緲雲中雉堞女牆宛然可
數居民皆見之

將臺夜月

城北三十五里有小山馬距輝發城數里高十
餘丈面積平坦輝發江虹貫盤繞其前月夜登
臨匹練散綺美景如繪乾隆十九年

高宗純皇帝東巡八月丙寅駐
蹕而策勳馬相傳為點將台

龍山夕照

龍首山城東二里許長白山東北支派也雲消
雨霽長虹倚空石影松陰與餘暉相掩映蒼翠
欲滴最足可人

鳳頂朝霞

鳳鳴頂土名蜂窠頂城西南三里而遙為附城
秀出之峯海日初升烟雲瀰漫晴光遠射霞彩
親人城廂樓閣現金碧光唐人題天姥峯有云
日月照耀金銀台庶幾近之

紫嶺行人

嶺在城北里許橫亘十餘里如常山蛇車馬輻
輳行人如織山陰道上有應接不暇之勢夕陽
在山烟凝暮紫憑欄遠眺天然畫圖一幅也

青巖積雪

城東南五十里有青頂子為全境諸山冠崇巖
摩霄林壑深邃積雪沒脛夏日猶朗朗如玉山
上行山海經云由首空桑小咸三山冬夏有雪
可並而為四矣

虎穴雙泉

伏虎山在城南四十里大北岔由青頂蜿蜒而
來作倚伏勢下有二泉東西相距數武源流汨
汨不舍晝夜盛暑不竭隆冬不冰飲之冽而甘
洵醴泉也蘇文忠品泉而不及此地勢阻之

亦斯泉之不幸也。今不朽矣。

美

城廂廟宇

文廟一在城內東北隅有基未建

關帝廟一在文廟西財神廟附焉有基未建

城隍廟一在城內西南隅有基未建

火神廟一在城東門外蓮花泡之北坡有基未建

龍王廟一在城北門外山下有基未建

鄉屯廟宇

關帝廟三 一在城西四十里平安川 一在城西

四十里樓上 一在城東北十八里腰嶺山下

三霄娘娘廟二 一在城東北五十里托佛別

在城北三十里輝發城山麓

九聖祠廂一在城南四十五里火北岔

農產
高糧
小麥
芝蔴
蔴

元豆
蕎麥
玉薯
馬鈴薯

穀子
小豆
糜

杭
綠豆
菸葉
稗

大麥
蘇子
線蔴
靛

金 罐 鐵 煤 炸 焦 礦
土 座

石 以
棚 上
溝 均
蛟 杉
河 松
均 崗
出 出

植物
杉松
華
茶條
藕梨
山葡萄

果松
榆
黃榆
杏
山裏紅

柞
楊柳
紫緞
桃
元磨

楸
刺楸
榛子
李
木耳

槐
榲桲
松子
梨

藥材
人參
熊膽
桔梗
車前

鹿茸
細辛
蒼朮
甘草

鹿胎
木通
防風
蜂蜜

牛黃
平貝
艾葉
蟾酥

虎骨
五味子
益母

獾 鹿 獐 虎 麝
物

灰 雉 麇 豹
鼠

黃 鷹 獾 熊
獾

野 獾 狐 狼
豬

水產
鯉魚
臭花魚
黑魚

重唇魚
折立魚
草根魚

細鱗魚
鯽魚
黃囊魚

縮花魚
鮎魚
蛤什蟆

74.1229
59

